

Uorden da transport

Quest uorden sereferescha sils conclus dil Cussegl da scola dils 27-08-2018 ed entra en vigur cun l'entschatta digl onn da scola 2018/19.

1) Intent

Igl uorden duei reglar l'entira organisaziun dil transport sco era la disciplina dallas scolaras e dils scolaras.

2) Ordinaziuns

- a) L'organisaziun dil transport dils scolaras schai els mauns dil Cussegl da scola.
- b) Igl urari dil bus vegn coordinaus cun ils uraris da scola.
- c) Diever dil bus:
 - Transport da tuts scolarets e scolaras da Tschamut e Cavorgia
 - Transport dils scolarets e scolaras 1. - 6. classa da Dieni
 - Transport dils scolarets e scolaras 1. - 3. classa da Rueras, Zarcuns, Surrein e Bugnei
 - Sch'il plaz el bus lubescha, duein tuts affons dallas fracziuns da Dieni, Rueras, Zarcuns, Surrein e Bugnei astgar far diever dil bus da scola. Risguardau vegnmintgamai l'entira classa.
- d) Temps da spetga dad in'ura tochen il proxim transport dattan negin dretg sin in transport separau. Pils affons che ston spitgar sil transport organisescha la scola survigilanza tier la persuna d'instrucziun da classa ni en in'otra classa. Lapersuna da contact per comunicar sch'igl affon fa part da quella survigilanza ni buc ei la persuna d'instrucziun da classa.
- e) Damondas da transport per affons che han buc il dretg sin tal ein da far a scretal Cussegl da scola.
- f) Transports exequi da privats sin incarica dil Cussegl da scola duein vegnir bonificai commensuradamein e segirai tenor ordinaziun da vischnaunca.
- g) Las fermadas dil bus da scola vegnan fixadas dil Cussegl da scola. Ulteriuras fermadas ein buca lubidas.
- h) Igl uorden disciplinar vala era durant il transport. El bus da scola ei igl autist responsabels pigl uorden. Surpassaments vegnan annunziai al meinascola.
 - Ils affons astgan buca provocar e far caneras sur mesira.
 - Ils affons ston seser durant il transport tenor in cert uorden.
 - Els ein obligai d'obedir agl autist / autista.
- i) Tier cass stinai vegnan ils geniturs informai ed il Cussegl da scola resalva da prender las mesiras commensuradas.

Approbaus dil Cussegl da scola e dil meinascola ils 27 d'uost 2018.